

翁注困學紀聞

冊七



卷之三

三

困學紀聞注卷十

餘姚翁元圻載青輯

地理

何本戴閣云萬斯同季野曩謂余云撰一統志奚必及人物人物自有史傳諸書予甚駭其說及近覽元和郡縣圖志太平寰宇記意果不足重在此一州內或人物

無或僅姓名貫址即間舉生平亦寥寥數語不似明一統志誇多泛濫令人厭觀乃悟著書自有體要苟其人其事無關地理不容闡入善乎杜君卿有云言地理者在辨區域徵因革知要

害察風土李宏憲云飾州邦而敘人物因邱墓而徵鬼神乃言地理者通弊至於邱壤山川

攻守利害反略而不書元和宰相之言施於撰述如此若南軒論修誌不可不載人物典刑繫

焉世教補焉此則儒生之見以此點綴郡邑志則可非所論於大一統之書卷帙浩繁者也

又云地理東至某地若干里南至某地若干里西至某地若干里北至某地若干里謂之四

至東南到某地若干里西南到某地若干里西北到某地若干里東北到某地若干里謂之八

到惟杜氏通典係刻本宛然具存若元和郡縣志太平寰宇記繕寫本多譌或原有不備者矣

又云古書中言地理者舉東可以該南舉西可以該北非若東之與西南之與北截然不

相通也知此乃觸處無疑何云通典舉四至郡縣志詳八到寰宇記仍李宏憲之例

三禮義宗引禹受地記王逸注離騷引禹大傳豈

即太史公所謂禹本紀者歟集證玉海五十七三禮義宗明天

地歲祭義引禹受地記云岷崙東南

五千里之地謂之神州王逸注離騷引禹大傳云侑槃之水出嶧嶧之山史記大宛傳禹本

紀言河出岷崙其高二千五百餘里日月所相避隱為光明也其上有醴泉瑤池自張騫使大

夏之後窮河源惡覩所謂岷崙者乎禹本紀山海經所有怪物余不敢言之也一

按張騫傳天子案古圖書各河所出山曰岷崙通典疑所謂古圖書即禹本紀

鹽鐵論論鄒大夫曰鄒子推終始之運謂中國天下

八十分之一名赤縣神州而分為九州絕陵陸

地志不必及人物
明一統志誇多
杜君卿言地理四事
李宏憲斥地理通弊
宋儒言志主人物
四至八到
禹受地記
岷崙之高
侑槃水出崦嵫
醴泉瑤池
禹本紀古國
赤縣神州
八極裊海大瀛海
中國八十一分之一
秦略取諸地

不通

〔案〕論鄒篇以九字斷句下云川谷阻絕陸不通此所引有脫文

乃為一州有大瀛海園

其外所謂八極而天下際焉故秦欲達九州方

瀛海朝萬國文學曰鄒衍怪說熒惑諸侯秦欲

達瀛海而失其州縣愚謂秦皇窮兵胡越流毒

天下鄒衍迂誕之說實啓之異端之害如此

〔元圻案〕

〔史記孟子荀卿列傳曰〕鄒衍深觀陰陽消息而作怪迂之變終始大聖之篇十餘萬言其語闕大不經以為儒者所謂中國者於天下乃八十一分居其一分耳中國名曰赤縣神州赤

縣神州內自有九州禹之序九州是也不得為州數中國外如赤縣神州者九乃所謂九州也於是有裊海環之人民禽獸莫能相通者如一區中者乃為一州如此者九乃有大瀛海環其

外天地之際焉〔史記秦始皇本紀〕三十三年發諸嘗通亡人贅壻賈人略取陸梁地為桂林象郡南海西北斥逐匈奴自榆中並河以東屬之陰山又使蒙恬渡河取高闕陶山北假中

築亭障以逐戎人

管子

水地篇

曰齊之水道躁而復故其民貪麤而好勇

楚之水淖弱而清故其民輕果而賊越之水濁

重而洎故其民愚疾而垢秦之水泔最而稽淤

滯而雜故其民貪戾罔而好事齊

〔案〕閻本無齊字

晉之水

管子以水道言民風俗繫水土情欲山東兵強由水土蕭何收圖書知阨塞

輿圖計里畫
方二寸為千里
禹貢地域圖
六體

枯旱而運。壅滯而雜。故其民諂諛而葆詐。巧佞而好利。燕之水萃下而弱。沈滯而雜。故其民愚戇而好貞。輕疾而易死。宋之水輕勁而清。故其民間易而好正。是以聖人之化世也。其解在水。故水一則人心正。水清則人心易。此即漢志所謂繫水土之風氣也。〔案〕〔漢書地理志下〕凡民函五常之性而其剛柔緩急音聲不同繫水土之風氣故謂之風好惡取舍動靜亡常隨君上之情欲故謂之俗杜牧罪言亦云。山東之地。程其水土與

河南等常重十二。唐書作十三

故其人沈鷺多材力。重

許可。能辛苦。

〔何本載閣云〕自周官屢言天下土地之圖九州之圖及地圖於地理為尤切矣。班固撰地理志一則曰秦地圖再則曰秦地圖書故

蕭何入咸陽收丞相御史圖書藏之。帝具知天下阨塞戶口多少疆弱處民所疾苦者以得此圖書也。〔晉裴秀曰〕周秦地圖秘書殆絕。僅有漢氏及括地諸雜圖。粗具形似。不為精審。於是作禹貢地域圖。今亦不可得見矣。見者元道士朱思本輿圖。所謂蓋其平生之志。而十年之力者。明人轉相增竄。名以己圖。漸失其本真。獨計里畫方之法。猶遵若玉律。愚謂亦自唐賈耽來也。舊書云。其令工人畫海內華夷圖一軸。廣三丈。從三丈三尺。率以一寸折成百里。隋宇文愷曰。裴秀輿圖以二寸為千里。〔何云〕二元稹集有進西北地圖文字。朱子集書牘中亦有之。

○〔元圻案〕〔唐書杜佑傳〕佑子式方式方子牧。牧字牧之。善屬文。作罪言曰。生人常病兵。兵祖於山東。羨於天下。不得山東兵不可死。山東之地。禹畫九土曰冀州。舜以其分太。太離為幽

州為并州程其水土與河南等常重十二三故其人沈鷲多材力重許可能辛苦魏晉以下工
機織雜意態百出俗益卑陋人益脆弱唯山東敦五種本兵矢他不能蕩而自若也所以兵常
當天下〔晉書裴秀傳〕秀字季彥河東聞喜人也作禹貢地域圖十八篇其序曰制圖之體
有六一曰分率所以辨廣輪之度也二曰准望所以正彼此之體也三曰道里所以定所由之
數也四曰高下五曰方邪六曰迂直此三者各因地而置形所以校夷險之故也有圖象而無
分率則無以審遠近之差有分率而無准望雖得之於一隅必失之於他方有准望而無高下
方邪迂直之校則徑路之數必與遠近之實相違失准望之
正矣〔閻氏〕引裴秀語漢氏下當依本文增輿圖二字

太史公班孟堅謂禹醜二渠以引其河一貝邱一

漯川見河渠書李垂導河書曰東為漯川者乃今泉

源赤河北出貝邱者乃今王莽故瀆而漢塞宣

房所行二渠蓋獨漯川其一則漢決之起觀城

入蒲臺所謂武河者也晁補之河議曰二渠於

禹貢無見〔閻按〕兖州之漯即禹廟二渠之一渠禹時河入海蓋在碣石地

理志碣石在北平驪城縣西南計勃海北距

碣石五百餘里而河入勃海蓋漢元光武帝七年二

年河徙東郡所更注也而言禹時河入勃海何

禹醜二渠引
河
漯川為二渠
之一
勃海碣石
河從頓邱入
勃海
海旁出為勃
旁跌合聲為
勃
庫
河
徒駭

鳥鼠朱圉之地
秦德公徙鳳
翔雍地
章邯雍王爲
槐里

哉。〔閩按〕齊都賦海旁出爲勃不獨今天津衛之海名勃碣石之海亦名勃或曰抑別有證乎余曰莫妙乎太史公天官書中國山川東北流其維首在隴蜀尾沒于勃碣班固增其
文曰尾沒於勃海碣石益明顯矣。〔程易田云〕〔史記高祖本紀〕濟北有勃海之利索隱曰
崔浩云勃旁跌也旁跌出者橫在濟北故齊都賦云海旁出爲勃名曰勃海郡余謂勃蓋旁跌
合聲緩讀旁跌急讀則勃也此人口中自然之聲初無義有聲而後義具也。〔集證〕〔玉海
二十二〕祥符四年開滑州減水河五年秘閣校理李垂上導河形勝書三篇并圖書目一卷
考古按今欲復河之故道又有導河形勝計功畢功圖今缺○〔元圻案〕〔漢書地理志下〕右
北平郡驪城注大揭石山在縣西南莽曰揭石溝洫志禹以爲河所從來高水湍悍難以行平
地數爲敗迺醺二渠以引其河北載之高地過泮水至於大陸播爲九河同爲逆河入于勃海
注臣瓚以爲禹貢夾右碣石入于河則河入海乃在碣石也武帝元光三年河移徙東郡更注
勃海禹時不注也。〔欽定前漢書考證〕巨齊召南按尚書但云入于海〔史記河渠書〕始云
入于勃海而班固用之本無差訛禹河自周定王以後雖漸遷移不定而其入海之口總在直
沽至漢猶如故也孝武紀元光三年春河水徙徙從頓邱東南流入勃海其入勃海與禹時不異
所異者改道從頓邱移徙耳地理志於魏郡鄴縣曰故大河在東北入海于勃海郡成平縣曰
虜沱河民曰徒駭河此則禹貢故道也豈可曰禹時不注勃海乎使禹河不入勃海則史記于
宣房旣築又何以云道河北行二渠復禹舊跡也瓚說非是此說足以釋厚齋之疑。〔東都
事略李垂傳〕垂字舜工聊城人由進士第上兵制將制書自湖州錄事參軍召爲崇文校勘
累遷修起居注丁謂惡之罷知亳州〔又文藝傳〕晁補之字无咎宗慤之曾孫也有難肋集一

卷百

蔡氏禹貢傳曰鳥鼠地志在隴西郡首陽縣西南

今渭州渭源縣西也此以唐之州縣言若本朝

輿地當云今熙州渭源堡又曰朱圉地志在天

水郡冀縣南。今秦州大潭縣也。按九域志〔全云〕王存作

建隆二年。秦州置大潭縣。熙寧七年。以大潭隸

岷州。見九域志卷三今為西和州。當云今西和州大潭縣。

朱文公詩傳曰。秦德公徙雍。今京北府興平縣。

按輿地廣記〔全云〕歐陽忼作鳳翔府天興縣。故雍縣。秦德

公所都也。興平乃章邯為雍王所都之廢邱也。

當云雍。今鳳翔府天興縣。〔元圻案〕〔太平寰宇記〕隴右道二渭州渭源縣本漢首陽縣地後魏改首陽為渭

源縣隴右道一秦州大潭縣本良恭大潭兩鎮皇朝乾德元年合二鎮立大潭縣朱圉山在縣西俗名白巖山〔輿地廣記十五〕皇朝熙寧五年置渭源堡屬熙州有烏鼠同穴山今謂之

青雀山又岷州大潭縣皇朝建隆三年以良恭大潭二鎮置大潭縣熙寧六年來屬有禹貢朱圉山〔史記項羽本紀〕項王立章邯為雍王王咸陽以西都廢邱正義曰括地志犬邱故城

一名廢邱古城在雍州始平縣東南十里〔輿地廣記十五〕鳳翔府天興縣故雍縣秦德公既立卜居雍曰後世子孫飲馬於河遂都雍〔又十三〕京兆府興平縣本周犬邱懿王都之秦

改曰廢邱漢高帝三年更名槐里晉置扶風郡而改槐里曰始平縣〔書錄解題地理類〕元豐九域志十卷知制誥丹陽王存正仲集賢校理曾肇子開官制所檢討邯鄲李德芻等刪定

輿地廣記三十八卷廬陵歐陽忼撰政和中作忼為文忠族孫行名皆連心字

呂氏春秋禹南至九陽之山羽人裸民之處不死

禹甸至九陽山

羽人裸民國
丹邱不死鄉

九江爲洞庭
豫章尋陽柴
桑
帝女居洞庭
山
敷淺原彭蠡

之鄉。此屈子遠遊。所謂仍羽人於丹邱兮。留不
死之舊鄉。朝濯髮於湯谷兮。夕晞余身兮九陽。

〔集證〕「文選孫綽天台山賦」仍羽人於丹邱。今尋不死之福庭。注楚辭曰。仍羽人於丹邱兮。留不死之舊鄉。王逸注曰。因就衆仙於光明也。丹邱晝夜常明。山海經有羽人之國不死之鄉。○〔二圻案〕「呂氏春秋慎行論求人篇」高誘注曰。南方積陽陽數極於九。故曰九陽之山也。羽人鳥喙。背上有羽翼。裸民不衣衣裳也。鄉亦國也。

朱文公謂漢之尋陽縣在江北。今之江州非古九

江地。其說明矣。然漢柴桑縣屬豫章郡。而莽以

豫章郡爲九江。柴桑縣爲九江亭。〔案〕「漢書地理志」豫章郡高帝置。莽曰九江柴桑

莽曰九江。則九江之名其誤久矣。以九江爲洞庭本

於水經。〔集證〕「水經二十五」江水又東至長沙下嶺縣北。澧水沅水資水合東流。注之湘水從南來。注之注凡此諸水皆注于洞庭之陂。〔山海經中山經〕洞庭

之山。帝之二女居之。是常游於江淵。澧沅之風交瀟湘之淵。是在九江之間。而胡晃曾氏因之。〔全三〕胡曰晃說之曾收。○一

元圻案朱子九江彭蠡辨。若曰古之九江。即今之江州。古之敷淺原。即今之德安縣。則漢九

江郡本在江北。而今所謂江州者。實武昌郡之柴桑縣。後以江北之尋陽并柴桑而立郡。又自

江北徙治江南。故江南得有尋陽之名。後又因尋陽而改爲江州。實非古九江地也。唯國初胡

秘監目近世晃詹氏說之。皆以九江爲洞庭。則其援證皆極精博。而鄭漁仲謂東匯澤爲彭蠡。東爲北江。入於海。十三字爲衍文。亦爲得之。〔蔡氏傳曰〕九江今之洞庭也。水經言九江在長沙下嶺西北。〔楚地記曰〕巴陵瀟湘之淵在九江之間。今岳州巴陵即楚之巴陵。漢之下嶺

也洞庭正在其西北則
洞庭之為九江審矣

國語注姑蔑今太湖當作太末甬句東今句章東

海口外洲

章昭注

當作浹口蓋傳寫之誤

〔原注〕〔唐盧潘引地理志〕浙江出縣

姑蔑太末
浙江出縣
南率山
漸江出南蠻
夷中
餘句之山
句踐地所至
越居吳王有
句東

齊棧道木閣
齊王走城陽
山中

楚北甘魚之口

縣南率山東入海今漢志云蠻夷中〔集證〕〔漢地理志〕丹陽郡黟縣漸江水出南蠻夷中東入海師古曰黟音伊字本作夥其音同〔續漢郡國志〕會稽郡太末注左傳謂姑蔑〔句章注〕山海經曰餘句之山無草木多金玉郭璞曰山在餘姚南句章北故二縣因為名句踐欲遷吳王於甬東章昭曰縣東洲〔羅願新安志〕率山在休寧縣東南四十里高五十七仞周二十一里率水出焉實字記引山海經漸江出三天子都在率東蓋此山也〔漢地理志〕云浙江出黟縣南率山東入海唐盧潘引此以解山海經率山今地理志率山乃作蠻夷中不可曉槐按考御覽六十五引地理志作南率山率俗作學蓋因形近而誤○〔元圻案〕〔越語〕句踐之地南至於句無北至於禦兒東至於鄞西至於姑蔑章昭注姑蔑今太湖是也〔左傳哀六年〕見姑蔑之旗注姑蔑越地今東陽太末縣〔漢書地理志〕會稽郡太末孟康曰太音如闔〔韓退之衢州徐偃王廟碑〕姑蔑之墟太末之里〔吳語〕越王使人告于吳王曰王其無死民生於地上寓也其與幾何寡人其達王於甬句東夫婦三百唯王所安以沒王年

戰國策田單為棧道木閣迎齊王與后於城陽山

中非但蜀有棧閣也

〔閣按〕淮南本經訓延樓棧道即宮室亦有之全三宮室複道見史記漢書甚多○〔元圻案〕

齊策一燕人興師而襲齊墟王走而之城陽之山中田單敗燕而反齊地故為棧道木閣而迎之

楚北有甘魚之口鮑氏注疑為濟陰高魚非也左

魚陂甘魚陂

氏昭十三年傳次於魚陂。注云竟陵縣城西北

有甘魚陂。

〔集證〕（水經二十八）沔水又東南與楊口合〔注〕竟陵城傍有甘魚陂。〔左傳昭公十二年〕次於魚陂者也。○〔元圻案〕（書錄解題雜）史類鮑

氏校定戰國策十卷尚書即括蒼鮑彪注〔秦策〕冷向謂魏冉曰楚包九夷又方千里南有特離之塞北有甘魚之口注未詳疑為濟陰高魚元吳師道校注即引王氏此條以正之

大事記解題。沈黎郡汶山郡。地理志不載。按輿地

廣記。漢武帝置郡。既而罷之。〔案〕見解題十二愚按黃霸傳

入穀。沈黎郡。後漢祚都夷傳。武帝所開。以為祚

都縣。元鼎

武帝二十五年改元元鼎

六年。以為沈黎郡。至天漢

一年改元天漢

四年。并屬為西部。置兩都尉。一居旄牛。主

徼外夷。一居青衣。主漢人。冉駹夷傳。武帝所開。

元鼎六年。以為汶山郡。至地節

宣帝五年改元地節

三年。省并

蜀郡為北部都尉。靈帝時復分蜀郡北部為汶

山郡。

〔原注〕（宣帝紀）地節三年十二月省汶山郡并蜀。○〔元圻案〕（史記大宛傳）是時漢既滅越而蜀西南夷皆震諸吏入朝於是置益州越巂牂牁沈黎汶山郡欲地

接以前通大夏〔漢書武帝紀〕元鼎六年定西南夷以為武都牂牁越巂沈黎文山郡班氏以沈黎汶山二郡旋即省并故不列于地理志然汶山之省書於宣帝紀沈黎之并不書於武帝

紀亦記事之疏漏也

〔歐陽忞輿地廣記三十〕黎州漢屬蜀越巂二郡唐大足元年置黎州取古沈黎郡為名〔按〕沈黎郡本在都地漢武帝開之置郡既而罷之又茂州本在駝國漢武

帝開其地置文山

郡尋罷屬蜀郡

荀卿為蘭陵令。〔案〕〔史記荀卿傳〕荀卿乃適縣在漢屬東海郡。

荀卿為蘭陵令

見漢書地理志

今沂州承縣誠齋延陵懷古有蘭陵令一

章蓋誤以南蘭陵為楚之蘭陵也古靈〔閣按〕古靈陳襄號〔全三〕

安定詩亦誤。〔閣按〕〔魏地形志〕蘭陵郡蘭陵縣有荀卿冢與史記卒因葬蘭陵合弟子〔全三〕疑是淮陰之蘭陵當再考〔集證〕〔晉地理志〕元康元年分東

海置蘭陵郡永嘉之亂淪沒石氏元帝渡江後幽冀諸州流人相率過江淮帝並僑立郡縣以司牧之置南東海南琅邪南東平南蘭陵等郡〔按〕今山東兗州府嶧縣漢蘭陵唐省入承縣

楚之蘭陵也江蘇常州府武進縣西北有蘭陵廢城此南蘭陵也○〔元圻案〕楊萬里字廷秀自號誠齋吉水人官至寶謨閣學士致仕及韓侂胄用事召之不至開禧出師不食而死謚文

節事蹟具宋史儒林傳著誠齋集一百三十卷〔書錄解題別集類中〕古靈集二十五卷樞密直學士長樂陳襄述古撰襄在經筵薦司馬光而下三十三人皆顯于時集序李忠定綱作

也

文中子父曰銅川府君。〔原注〕隆為銅川令〔案〕司馬溫公文文中子補傳隆字伯高阮氏注上

文中子父令

黨有銅鞮縣。本漢書地理志龔氏〔何本載〕〔閣案〕龔氏名鼎臣明道間人注隋初置銅

川縣今忻州秀容是愚攷隋地理志定襄〔閣按〕當作樓煩始

統秀容郡秀容縣開皇初置新興郡銅川縣十八年

置忻州龔注是也。〔集證〕〔隋地理志〕定襄郡統縣一大利樓煩郡統縣三靜樂臨泉秀容秀容舊置泗州後周又置平寇縣州徙雁

門開皇初置新興郡銅川縣郡尋廢十年廢平寇縣十八年置忻州大業初州廢又廢銅川〔元圻案〕〔書錄解題儒家類〕中說注十卷太常丞阮逸天隱撰〔又〕中說注十卷正義大夫

淄川龔鼎巨輔之撰龔自云明道閒得唐本於齊州李冠比阮本改正二百餘處〔案〕龔注今佚

同州本司州

中說同州府君龔氏本作司州注云宋武置司州

於虎牢西魏始改華州爲同

〔集證〕〔宋書州郡志〕武帝北平關洛河南底定置司州刺史治虎牢領

河南滎陽宏農三郡〔隋地理志〕馮翊郡後魏置華州西魏改曰同州〇〔元圻案〕〔中說王道篇〕晉陽穆公之述曰政大論八篇其言帝王之道著矣同州府君之述曰政小論八篇其

言王霸之業盡矣〔司馬溫公文中子補傳〕晉陽穆公名蚪蚪生彥官至同州刺史彥生傑官至濟州刺史封安康公諡曰獻傑生隆隆生通

子夏居西河在汾州

〔案〕〔史記儒林傳〕子夏居西河正義曰今汾州

文中子之教興

子夏居西河石室
文中子河汾
敝廬

於河汾

〔閩按〕〔宋史地理志〕汾州治西河縣即今更名汾陽縣非古子夏設教地也詳見余博湖掌錄〔何本載閩云〕鄭注檀弓西河云龍門至華陰之地〔水

經鄭注〕屢言子夏石室正在其地與宋汾州無涉〔集證〕〔水經四〕河水南出龍門口又南崤谷水注之注云崤谷側谿山南有石室西面有兩石室北面有二石室皆因阿結牖連局

接闢似是棲遊隱學之所昔子夏教西河疑卽此也〔按〕〔唐地理志〕汾州西河縣本隰城蕭宗上元元年更名與子夏西河無涉張守節誤〇〔元圻案〕〔司馬溫公補傳〕晉陽穆公始

家河汾之間〔中說事君篇〕楊素使謂子曰盡仕乎子曰疏屬之南汾水之曲有先人之敝廬在可以避風雨有田可以具饘粥不願仕也

地理志言風俗

桐柏大復山淮水又至廣
淮陵淮浦
淮陵睢陵

漢地理志言風俗多取太史公貨殖傳然太史公

語尤奇峻可以參觀

地理志

南陽郡平氏

禹貢桐柏大復山在平氏東南淮水

所出東南至淮陵

〔閩按〕陵似當作浦

入海

〔案〕此班氏自注文

禹貢集解二云

淮陵晉猶存不知何代廢省今其地當在楚州

界愚攷宋州郡志淮陵郡本淮陵縣

〔原注〕漢屬臨淮後漢屬下邳晉永寧元年

〔案〕小註亦宋書州郡志文攷之兩漢及晉志俱合

輿地廣記

淮南東路

泗州招信縣本

淮陵縣漢屬臨淮郡宋曰睢陵置濟陰郡今按

漢晉有淮陵睢陵二縣宋濟陰郡有睢陵縣而

淮陵郡無淮陵縣蓋宋之睢陵即漢之淮陵也

〔原註〕廣記漢淮陵故城在淮陽軍下邳縣

寰宇記

〔全云〕樂史作

古淮陵城在招信縣

西北二十五里

見河南道十六

然則禹貢解以淮陵在楚

州非也

〔集證〕山海經海內東經淮水出餘山義鄉西入海淮浦北水經淮水又至廣陵淮浦縣入於海閻氏謂淮陵當作淮浦是也〔經義考〕傳寅禹貢集解二

卷存 〔元圻案〕〔書錄解題地理類〕太平寰宇記二百卷太常博士直史館宜黃樂史子正撰起自河南周于海外當太宗朝上之 〔史記夏本紀〕〔索隱〕曰桐柏一名大復山 〔漢志〕淮浦屬臨淮郡 〔後漢志〕屬下邳郡 〔蔡氏傳〕淮入海在今淮浦

齊俗之侈始景公

齊冠帶衣履天下

志謂齊俗彌侈織作冰紈綺繡純麗之物號為冠

帶衣履天下 〔案〕師古注曰冰謂布帛之細其色鮮潔如水者也純精好也麗華靡也言天下之人冠帶衣履皆仰齊地臨淄

屬齊郡有服官 齊三服官見漢書平帝紀五年詔說苑墨子曰綿繡絺紵亂

君之所造其本皆興於齊景公喜奢而忘儉幸

有晏子以儉鐫之然猶幾不能勝 〔集證〕〔說苑反質篇〕引墨子檢今墨子無之疑是

節用中下兩篇佚文齊俗之侈蓋自景公始 〔全云〕今世織造在江浙蘇杭二府而東人之技無聞 〔集證〕〔漢書

元帝紀〕初元五年詔罷齊三服官注李斐曰齊國舊有三服之官春獻冠幘縱為首服紈素為冬服輕絳為夏服師古曰縱即今之方目縵也紈素今之絹也輕絳今之輕縵也

琅邪郡靈門縣壺山浯水所出 原注音吾元次山名浯溪

亦有所本非自造此字也 〔集證〕〔漢地理志〕靈門縣有高梁山壺山浯水所出今山東莒州西南有靈門

廢縣 〔元圻案〕〔程氏大昌演繁露十四〕世傳浯溪本無浯字元結自名之恐不然也 〔說文〕浯水出琅邪靈門縣壺山東北入澗從水吾聲則浯非結所自名也 〔元次山浯溪銘序〕曰浯溪在湘水之南北匯於湘愛其勝異遂家溪畔溪世無名稱者也為自愛之故名浯溪 〔唐書元結傳〕後魏常山王遵十五代孫天寶十二載舉進士復舉制科會代宗立丐侍

高梁山壺山出浯水浯溪在湘水南元次山家浯溪

親歸樊上作自釋曰結元子名也次山結字也少居商餘山著元子十篇故以元子為稱

引漳水溉鄴
烏鹵生稻梁
溝洫志民歌
鄴令

西通武關鄴
關
洵水上有關

商周以封建
禦邊
唐以幽鎮扞
契丹

溝洫志史起引漳水溉鄴出呂氏春秋先識覽以

賢令為聖令烏鹵為斥鹵

〔閩按〕〔河渠書〕以引漳水溉鄴為西門豹余謂西門豹當魏文侯時史起當襄王

時皆為鄴令皆鑿十二渠利民故左思魏都賦西門溉其前史起灌其後括地志亦云爾〇〔元圻案〕〔漢書溝洫志〕民歌之曰鄴有賢令今為史公決漳水令灌鄴旁千古烏鹵今生稻

梁〔呂覽先識覽樂成篇〕民歌曰鄴有聖令時為史公決漳水灌鄴旁終古斥鹵生之稻梁〔後漢安帝紀〕初元二年修西門豹所分漳水為支渠以溉田〔水經十〕濁漳水注亦云

獨二百畝是田惡也漳水在其旁而西門豹弗知用何也

史記貨殖傳南陽西通武關鄴關正義云地理志

宛西通武關而無鄴關鄴當作洵洵水上有關

在九州洵陽縣愚按漢志漢中郡長利縣有鄴

關長利今商州上津縣武關在商洛縣正義失

之〔集證〕今陝西商州東有武關湖北鄴陽府鄧陽縣西有廢長利縣鄴關在焉

古公事獯鬻而商不與晉拜戎不暇

昭十五年左傳

而周不

知封建之效也唐以幽鎮扞契丹及幽鎮亡而

夷狄入由郡
縣削弱
契丹緣起
石敬瑭求援
契丹

滄州漢武臺
唐伐高麗刻
石

蜀道難言開
國蜀王先世諸
名岷嶓庸蜀
秦滅蜀置守

契丹之患始熾方鎮之效也郡縣削弱則夷狄

之禍烈矣。

（全三）感燕雲之禍也○（元圻案）（唐書地理志）河北道鎮州常山郡幽州范陽郡皆置大都督府（北狄傳）契丹本東胡種至元魏自號契丹

臣於突厥咸通中部落浸彊光啓時入寇幽薊劉仁恭討之十年不敢近邊（五代史晉高祖紀）天福元年唐廢帝下詔削奪石敬瑭官爵命張敬達等討之敬瑭求援於契丹契丹耶

律德光入自雁門與唐兵戰敬達大敗敬瑭即位以幽涿薊檀順瀛漠蔚朔雲應新媯儒武寰州入于契丹（宋文鑑）呂氏大鈞世守邊郡議曰在商之時古公以皮幣珠玉事獯鬻而商

不知在周之時晉國拜戎不暇而周室不與然則三代禦邊之略蓋可知矣

九域志滄州有漢武臺唐太宗紀貞觀十九年伐

高麗班師次漢武臺刻石紀功臺餘基二成燕

齊之士爲漢武求仙之處。

（集證）（玉海一百六十二）唐太宗實錄正觀十九年十月班師次漢武臺餘基三

成旁有祠室瑩域帝顧問侍臣對曰此是燕齊之士爲漢武求仙之處其地俯臨大海長瀾接天巉巖峻石奇怪之狀帝製文刻於石○（元圻案）（史記封禪書）李少君死天子以爲化去

不死而使黃鍾史寬舒受其方求蓬萊安期生莫能得而海上燕齊怪迂之方士多更來言神事矣

李太白蜀道難云蠶叢及魚鳧開國何茫然爾來

四萬八千歲不與秦塞通人煙其說本揚雄蜀

記愚謂岷嶓載於禹貢庸蜀見於牧誓非至秦